

PEMBERITAHUAN PERTANYAAN LISAN DEWAN RAKYAT

PERTANYAAN : BUKAN LISAN

DARIPADA : DR. AZMAN BIN ISMAIL [KUALA KEDAH]

SOALAN NO. 100

Minta **MENTERI PERTANIAN DAN INDUSTRI ASAS TANI** menyatakan :

- (a) senarai ladang-ladang kelapa di Malaysia mengikut negeri, saiz dan penghasilan kelapa; dan
- (b) nyatakan sebab berlakunya lambakan kelapa baru-baru ini dan langkah-langkah yang telah diambil untuk mengelakkan lambakan ini berulang.

JAWAPAN

Tuan Yang di-Pertua,

Untuk makluman Ahli Yang Berhormat, Kementerian Pertanian dan Industri Asas Tani melalui Jabatan Pertanian Malaysia telah mengeluarkan maklumat berkenaan statistik kluasan bertanam dan pengeluaran kelapa mengikut negeri bagi tahun 2018 seperti berikut :

Jadual 1: Keluasan bertanam dan pengeluaran kelapa mengikut negeri (2018^e)

Negeri	Keluasan Bertanam (ha)	Pengeluaran (mt)
Johor	14,633	112,122
Kedah	1,264	5,989
Kelantan	6,973	62,455
Melaka	1,427	10,817
N.Sembilan	1,447	12,418
Pahang	4,541	36,631
Perak	9,150	85,828

SOALAN NO : 100

Perlis	393	2,861
P.Pinang	48	259
Selangor	8,640	107,651
Terengganu	4,146	17,776
Sabah	16,692	51,346
Sarawak	12,382	31876
W.P Labuan	149	656
JUMLAH	81,885	538,685

Isu lebihan kelapa menjadi perhatian kerana pada ketika itu negeri-negeri pengeluar utama kelapa iaitu Perak, Selangor dan Johor berlaku musim besar atau musim buah banyak bagi hasil kelapa. Di samping itu, musim kering yang panjang menyebabkan kelapa dapat dituai sepanjang masa dan hasil yang lebih banyak daripada kebiasaan.

Peningkatan kelulusan kuota import pada tahun 2018 adalah disebabkan beberapa kilang pemprosesan utama menambah kapasiti kilang *production line* dan juga penambahan 5 syarikat baharu yang mendapat kelulusan import kelapa tua biji. Di samping itu, pengeluaran hasil kelapa matang meningkat lebih daripada biasa di ladang-ladang juga turut menyumbang kepada isu lebihan kelapa.

Walau bagaimanapun, pada tahun 2019 kelulusan kuota adalah sebanyak 172 juta sahaja iaitu penurunan sebanyak 38% daripada kelulusan tahun sebelumnya. Dengan pengurangan kelulusan kuota tersebut, isu lebihan dan harga kelapa yang rendah akan dapat diatasi.

Langkah-langkah di lapangan yang disyorkan oleh pihak Kementerian bagi mengatasi masalah lebihan kelapa yang berlaku adalah dengan menggalak dan mempergiatkan lagi aktiviti pengeluaran produk-produk Industri Asas Tani (IAT) berasaskan kelapa contohnya kopra, minyak kelapa dara, kerisik, dodol dan produk bukan makanan seperti kraftangan berasaskan kelapa.

Kementerian melalui FAMA juga telah mengenalpasti isu ini hanya melibatkan kelapa tempatan Gred C berikut pengeluaran yang

SOALAN NO : 100

banyak tetapi kurang mendapat permintaan daripada pengguna dalam negara. Punca kekurangan permintaan terhadap kelapa Gred C adalah kerana saiz kelapa tersebut yang terlalu kecil untuk diproses menjadi santan segar dan hanya sesuai untuk kegunaan kelapa patek (kopra). Pihak petani dan peraih telah meminta pihak FAMA membeli kelapa Gred C pada harga RM0.90/ biji ketika itu.

Satu jawatankuasa khas juga telah dibentuk di peringkat FAMA untuk mengambil tindakan keatas perkara tersebut di mana FAMA telah membuat belian pada harga ladang (November) seperti berikut:

- i. Kelapa Gred C pada harga RM0.60 – RM0.70/ biji
- ii. Kelapa Gred B pada harga RM1.20 – RM1.30/ biji
- iii. Kelapa Gred A pada harga RM1.50/ biji

Harga belian terkini oleh FAMA di peringkat ladang secara pukal ialah RM1.40 – RM1.50/ biji (Gred A,B,C). Harga belian sebenar akan ditentukan oleh komposisi Gred kelapa yang dibekalkan.

Pada tahun 2018, FAMA Bagan Datuk telah membeli sebanyak 237,384 biji kelapa bernilai RM301,373.89 (harga purata sebiji RM1.27) dengan peningkatan kuantiti belian 78% berbanding tahun 2017 (133,282 biji dengan harga purata belian RM1.32/ biji).

Sekian, terima kasih.